

Իւրաքանչիւր ազգ ըստ վաղէմի սովորութեան իւրոյ, լուս-  
ցանել զկանթեղս և զաշտանակս 'ի սահմանեալ աւուրս,  
եւ չդնել ունկն բանից Լատինաց, զի չէր տուեալ նոցա  
հրովարտակ վասն այնր, և ոչ գտաւ 'ի Կայսերական դի-  
ւանս արձանագրութիւն նորին: Սակայն Լատինք պնդեալ  
կային 'ի բանս իւրեանց, և ոչ կամէին անսալ հրամանին:  
զի 'ի դալատեան իւրաքանչիւր հրովարտակի՝ լինէր ա-  
տեան մեծ 'ի դատարանի, և լինէր պատուէր չկազել եւ  
չհակառակիլ ընդ միմեանս, սակայն չեղեւ հնար, զի 'ի  
չրջանի միոյ տարւոյ եհաս թիւ հրովարտակաց մինչ ցհինգ,  
զորս ետ բերել Գրիգոր Պատրիարք, թող զայլ բազմաթիւ  
գրեանս դատարանի, զորս առնոյր յիւրաքանչիւր դատի:  
Հուսկ ուրեմն 'ի վերայ այսքան գրեանց և դատաստանաց  
մեղմացաւ փոքր ինչ ընդդիմութիւն Լատինաց, զի սաստ-  
կադոյնս բորբոքեսցի զկնի աւուրց: Այլ յերկարիլ այսքան  
խռովութեանց եւ դատաստանաց հանդիպեցաւ Գրիգոր  
Պատրիարք մեծամեծ ծախուց և տուգանաց, թող զտա-  
ռապանս եւ զնեղութիւնս, զոր կրեաց անձամբ անձին:  
Վ. Կ. (1617):

Իսկ Լատինք խորհեցան զայլ իմն չարիս հատուցանել  
ազգին: Չի 'ի նմին ամի մատուցին գիր ամբաստանութեան  
առ Արքայ, և չարախօս եղեն զԳրիգոր Պատրիարքէն եւ  
զմիաբանութենէ նորին և զազգէն Հայոց, թէ ոչ են ար-  
ժանի նոքա մնալ յերուսաղէմ, այլ տալ հրովարտակ եւ  
ոստիկան հանել զնոսա յերուսաղէմէ և աքսորել 'ի կղզին  
Կիպրոսի: Իսկ Սուլթան Օսման Բ. Նախ գրեալ եհարց  
ցդատաւորն եւ ցայլազգիս երուսաղէմի՝ զորպիսութենէ  
Հայոց եղելոց անդր, եւ նոցա միաբանեալ ընդ իւրեանս  
նաեւ գորիստոնեայս քաղաքին՝ գրեցին պատասխանի՝ թէ  
Հայք ոչ ումեք տուեալ են աստ մնասս ինչ, եւ կան 'ի  
խաղաղութեան և 'ի չափաւորութեան իւրեանց. և շահս  
բազումս մատուցանեն քաղաքիս՝ ուխտաւորք նոցին, եւ  
յաւելուն զարդիւնս կալուածոց Սիւլէյմանայ արքային:  
Բայց Լատինք հակառակ կացեալ, խափանել կամին զսո-  
վորութիւնս նոցա չլուցանել զկանթեղս զաշտանակս, եւ  
կատարել զպաշտօնս իւրեանց 'ի Ս. տեղիս: Յետ հասանե-  
լայ հանրագրութեանս այսորիկ 'ի Դուռն, գրեցաւ հրո-